

A young woman with long brown hair is lying on her back on a light-colored wooden floor. She is wearing a blue and white plaid shirt over a white t-shirt and blue jeans. She is holding a white smartphone in her right hand and looking at it with a slight smile. She is surrounded by several cardboard boxes. One box in the background has a red 'FRAGILE' sticker. The scene suggests a moving or unpacking process.

ESFORZO NO ACCESO Á COMPRA DE VIVENDA EN GALICIA EN 2024



Observatorio da
Vivenda de **Galicia**



INSTITUTO
GALEGO DA
VIVENDA E SOLO

1. INTRODUCCIÓN	<u>3</u>
2. METODOLOXÍA	<u>5</u>
3. INDICADORES DE ACCESIBILIDADE Á VIVENDA	<u>8</u>
• ESFORZO INMOBILIARIO (ANOS)	<u>9</u>
• ESFORZO FINANCEIRO (%)	<u>13</u>
• ESFORZO FINANCEIRO (ANOS)	<u>17</u>
• PREZO ADQUIRIBLE	<u>19</u>
• EXPOSICIÓN AO RISCO	<u>20</u>
4. ANEXO METODOLÓXICO	<u>22</u>

A woman is lying on her back on a light-colored wooden floor, laughing heartily. She is wearing a blue and white plaid shirt. To her right, there are several cardboard boxes stacked. One box has a red 'FRAGILE' sticker. In the background, there is a white wire basket filled with yellow sticks, a white rectangular planter with a green plant, and a window with light coming through. A blue horizontal bar is overlaid across the middle of the image, containing the word 'INTRODUCCIÓN' in white capital letters.

INTRODUCCIÓN

Este documento analiza os **indicadores de accesibilidade á compra de vivenda en Galicia**, os cales permiten avaliar o esforzo das persoas para acceder á adquisición dunha vivenda.

Para facilitar a comprensión, no apartado da metodoloxía defínense brevemente cada indicador, que se completa en detalle no anexo.

A análise de cada indicador segue un mesmo proceso para favorecer a comprensión: análise da evolución temporal, análise por provincias e conclusións.

O documento finaliza cunha análise comparativa de todos os indicadores e remata cunhas conclusións.



A woman is lying on her back on a light-colored wooden floor, laughing heartily. She is wearing a blue and white plaid shirt. To her left, there are several cardboard boxes stacked. One box has a red 'FRAGILE' sticker. A wire basket filled with yellow pencils sits on top of one of the boxes. A small white vase with a green plant is also visible. The scene is brightly lit, suggesting a sunny day.

METODOLOGÍA

Este informe está baseado principalmente na recollida e análise directa dos **indicadores de accesibilidade á compra de vivenda publicados polo IGE**. Os datos recollidos corresponden ao ano 2024 en todas as variables para homoxeneizar os resultados.

No caso da **análise por provincias**, recolléronse en outras fontes datos adicionais: ingresos brutos medios por traballador, valor taxado da vivenda libre, tipo de xuro medio das hipotecas e prazo medio das hipotecas.

Fontes de datos

IGE: indicadores de accesibilidade

INE: ingresos brutos medios por traballador

Ministerio de Transportes e Mobilidade Sostible: valor taxado da vivenda libre

Banco de España: tipo de xuro medio dos préstamos bancarios

Colexio de Rexistradores: Prazo medio dos préstamos hipotecarios

Procedemento

Análise dos datos dos indicadores publicados polo IGE: Galicia

Procesamento dos datos das diferentes fontes para o análise por provincia.

Breve definición de indicadores

Esforzo inmobiliario (anos)

Anos de salario íntegro que unha persoa necesita para poder comprar unha vivenda estándar sen financiación.

Esforzo financeiro (%)

Porcentaxe do salario anual que unha persoa ten que dedicar ao pago da cota anual do préstamos hipotecario.

Esforzo financeiro (anos)

Número de anos de salario íntegro que unha persoa ten que dedicar para satisfacer as súas obrigas coa entidade financeira pola contratación dun préstamo hipotecario.

Prezo adquirible

Prezo máximo que se pode permitir pagar un asalariado medio por unha vivenda estándar sen ter que dedicar máis dun terzo do seu salario anual ao pago da cota anual hipotecaria media.


Exposición ao risco

Porcentaxe do custo da vivenda respecto do prezo adquirible asumible. Se o valor do indicador é superior a 100 (valor de referencia) significa que o risco financeiro asumido é excesivo e canto máis alto sexa, máis difícil lle resultará á persoa pagar as cotas hipotecarias.

A woman is lying on her back on a light-colored wooden floor, laughing heartily. She is wearing a blue and white plaid shirt. Around her are several cardboard boxes, some stacked. One box has a red 'FRAGILE' sticker. In the background, there is a wire basket filled with pens or pencils and a small potted plant. The scene is brightly lit, suggesting a sunny day.

INDICADORES ACCESIBILIDADE Á COMPRA DE VIVENDA

Evolución do esforzo inmobiliario 2007-2024



Esfuerzo inmobiliario: anos de salario necesarios para comprar unha vivenda sen financiación

Variación do esforzo inmobiliario en Galicia (2023-2024):

-0,1 %

Variación anual do esforzo inmobiliario en Galicia (2019-2024):

-1,0 %



Na actualidade, os anos necesarios para a adquisición dunha vivenda sen financiación en Galicia son 5,5, fronte ós 6,9 de España. Os valores da comunidade galega sempre están por debaixo da media nacional.




As tendencias de España e Galicia son iguais ata o ano 2015, cando comezan a ser contrarias: mentres que en España aumenta o esforzo inmobiliario, en Galicia decrece lixeiramente ata o 2024, onde alcanza a menor cifra.



As cifras dos últimos 5 anos están lonxe dos máximos acadados durante a crise que deu comezo en 2007, cando se alcanzaron valores de 8,4 anos no caso galego, e ata 10,0 no caso español, o que supón unha mellora nas condicións de vida, xa que o esforzo para adquirir unha vivenda é menor.



Valor medio taxado da vivenda libre estándar (2007-2024)




Variación do valor
medio taxado da
vivenda en Galicia
(2023-2024):
+5,1 %

Variación anual do
valor medio taxado da
vivenda en Galicia
(2019-2024):
+2,8 %



O valor medio taxado da vivenda decreceu dende 2008 ata 2015 tanto en Galicia como en España, ano a partir do cal empezou a estabilizarse no caso de Galicia, cun lixeiro incremento a partir de 2021.

Ingreso medio bruto anual por traballador (2007-2024)




**Variación do ingreso
medio bruto en Galicia
(2023-2024):
+5,3 %**

**Variación anual do
ingreso medio bruto en
Galicia (2019-2024):
+3,9%**



Nos últimos anos (2021-2024) os ingresos medios brutos anuais por traballador incrementouse de xeito máis acusado que nos anos anteriores (2010-2020) onde se mantivo bastante estable.

Evolución do esforzo inmobiliario por provincias (2020-2024)



Variación do esforzo inmobiliario nas provincias (2023-2024):

A Coruña: +0,2 %
Lugo: -1,1 %
Ourense: -4,2 %
Pontevedra: +1,2 %



O indicador mantense estable no período analizado, pero pódese observar un lixeiro descenso en Ourense, e un lixeiro incremento en Pontevedra e A Coruña.




As provincias que destacan polos seus valores máis altos son A Coruña e Pontevedra (por encima da media galega), aínda que sen superar en ningún dos casos a media española, mentres que Lugo e Ourense manteñen valores similares, por debaixo da media da comunidade.



Polo tanto, o número de anos necesarios para adquirir unha vivenda sen financiación é moito máis elevado en A Coruña e Pontevedra (en 2024, 5,8 e 6,0 respectivamente) e o esforzo sexa menos en Ourense e Lugo (3,9 e 4,0 respectivamente).

Evolución do esforzo financeiro (%) 2007-2024



Esfuerzo financeiro (%): porcentaxe do salario dedicado ao pago da cota anual do préstamos hipotecario.

Variación do esforzo financeiro en Galicia (2023-2024):
-4,2 %

Variación anual do esforzo financeiro en Galicia (2019-2024):
+1,1 %



Na actualidade, a porcentaxe do salario que os fogares galegos teñen que dedicar ao pago do préstamo hipotecario na adquisición dunha vivenda é do 26,8 % (fronte aos 33,0 % de media nacional). No último ano produciuse un descenso, despois dun período de 3 anos (2021-2023) con incrementos.




O indicador segue unha tendencia en España e Galicia ata 2016, momento no que a tendencia comeza a diverxer: en España crece de maneira lixeira e en Galicia decrece de forma moderada ata estabilizarse en 2019. A partir de 2021 móvese de forma similar en ambos casos.



A pesar de que a porcentaxe pode ser considerada como alta, a cifra segue sendo inferior á media española durante todo o período analizado e ao 30% que recomentan os expertos do Banco de España dende o ano 2014.

Tipo de xuro medio dos préstamos hipotecarios (2007-2024)



**Variación do tipo de
xuro
(2023-2024):**

-10,7 %


**Variación anual do
tipo de xuro (2019-
2024):**

+ 13,7 %



O tipo de xuro medio aplicado ás novas hipotecas contratadas, despois das grandes subidas vividas ao comezo da crise (2008) e en 2011, comezou a decrecer a partir dese mesmo ano, para estabilizarse a partir de 2015 e volver a incrementar a partir de 2021, cun crecemento importante en 2023 e un descenso do 10,7% en 2024, volvendo a niveis similares aos de 2010-2014.

Prazo medio dos préstamos hipotecarios (2007-2024)



Variación do prazo medio dos préstamos en Galicia (2023-2024):
+0,01 %

Variación anual do prazo medio dos préstamos en Galicia (2019-2024):
+1,2%




A tendencia seguida polo prazo medio das hipotecas é a mesma en Galicia e España: decrece ata o 2013, cunha lixeira suba en 2010, para comezar a aumentar de forma moderada a partir dese mesmo. Diverxen un pouco en 2019, pero continúan a mesma senda a partir dese ano.



No ano 2024 o prazo medio en Galicia mantense estable (un incremento do 0,01%), mentres que en España crece un 0,2%.

Evolución do esforzo financeiro (%) por provincias (2021-2024)



Variación do esforzo financeiro nas provincias (2023-2024):

A Coruña: -3,9 %
Lugo: -5,1 %
Ourense: -8,2 %
Pontevedra: -3,0 %



Pode observarse un incremento do indicador en todas as provincias ao longo do período considerado (2021-2023), pero descensos acucados no ano 2024 nas 4 provincias.



Destacan A Coruña e Pontevedra sobre todas as provincias, debido a que os valores son moi superiores aos do resto. Ademais, ditos valores son superiores á media galega en 2024: 27,9% en A Coruña e 29,2% en Pontevedra.




En Lugo e Ourense, en 2024, o indicador situábase por debaixo da media galega, con 19,2% e 18,7% respectivamente.



A pesar destes datos, o indicador en todas as provincias sitúase durante todo o período por debaixo da media nacional e da recomendación do Banco de España do 30%.

Evolución do esforzo financeiro (anos) 2007-2024



Esfuerzo financeiro: anos de salario dedicados aos pagos dun préstamo

Variación do prazo medio dos préstamos en Galicia (2023-2024):
-2,6 %

Variación anual do prazo medio dos préstamos en Galicia (2019-2024):
+2,2%



Na actualidade, o número de anos necesarios para facer fronte a adquisición dunha vivenda optando por financiación bancaria é de 5,8 anos (frente aos 8,2 anos necesarios a nivel nacional). No último ano descende, contrario á tendencia de crecemento que se observa dende 2021.




O indicador segue a mesma tendencia en España e Galicia en todo o período analizado.



Durante todo o período analizado, o indicador a nivel Galicia foi sempre inferior á media española, o que significa que o número de anos necesarios en Galicia para adquirir unha vivenda estándar axudándose de financiación é menor.

Evolución do esforzo financeiro (anos) por provincias (2021-2024)



Variación do esforzo financeiro nas provincias (2023-2024):

A Coruña: -3,9 %
Lugo: -5,1 %
Ourense: -8,1 %
Pontevedra: -3,0 %



Pode observarse un incremento do indicador en todas as provincias ao longo do período considerado (2021-2023), e descensos en 2024.




É importante destacar os maiores valores alcanzados polo indicador en 2024 nas provincias de Pontevedra e A Coruña, onde o número de anos necesarios para adquirir unha vivenda con financiación é superior a media galega, con valores próximos aos 7 anos.



Nas demais provincias, o esforzo financeiro en anos está por debaixo da media galega en 2023, con aproximadamente 4,5 anos rexistrados en Lugo e en Ourense.

Evolución do prezo adquirible 2007-2024

Prezo adquirible: prezo máximo por unha vivenda sen superar un terzo do salario ao pago da hipoteca




O indicador segue a mesma tendencia en Galicia e España durante todo o período analizado: rexístrase un crecemento do prezo adquirible ata 2010, cando comeza unha tendencia decrecente ata 2013, ano no cal comeza a crecer de novo, ata iniciar unha estabilización nos últimos anos considerados e un descenso acusado en 2023, cun posterior incremento en 2024.



Este incremento en 2024 significa que o asalariado medio galego podería asumir un prezo maior na adquisición dunha vivenda, sen ter que comprometer máis dun terzo do seu salario anual ao pago da cota anual correspondente a un préstamo hipotecario medio.

Evolución da exposición ao risco 2007-2024



Na actualidade os niveis de exposición ao risco alcanzados polo indicador en Galicia atópanse en torno a valores de 80, mentres que en España sitúase en 99, o que significa que a exposición ao risco comeza a ser preocupante e podería incorrerse nunha sobreexposición. Os valores rexistrados en Galicia sempre son inferiores aos alcanzados a nivel nacional.




O indicador segue a mesma tendencia en Galicia e España ata o ano 2016, cando comezan a ter tendencias contrarias: a nivel nacional, o indicador comeza a crecer, mentres que a nivel galego rexístrase un lixeiro descenso para estabilizarse a partir do ano 2018, e volver a manter unha tendencia similar ata 2024.



Os niveis alcanzados en Galicia pódense considerar baixos e na actualidade non existe un risco real. Ademais, os valores están moi lonxe dos alcanzados nos anos da crise, onde se superou o valor 100 significado de sobreexposición ao risco.

Evolución da exposición ao risco por provincias (2021-2024)



Variación da exposición ao risco nas provincias (2023-2024):

A Coruña: -3,9 %
Lugo: -5,1 %
Ourense: -8,2 %
Pontevedra: -3,0 %

- 💡 O indicador non supera o valor límite de 100 en ningunha das provincias durante o período 2021-2024.
- 💡 A exposición ao risco rexistra unha tendencia similar en todas as provincias: decrecente en 2021 e crecente a partir dese ano, cun incremento importante en 2023, e un retroceso en 2024.
- 💡 Destacan as provincias de A Coruña e Pontevedra por alcanzar os valores máis altos (entorno a 85 en todo o período estudado, por encima da media galega), o que significa que nesas provincias os asalariados galegos teñen unha maior exposición ao risco á hora de pagar as cotas hipotecarias, polo que, se as condicións económicas empeoran, poderían verse en dificultades para facer fronte aos pagos.
- 💡 En contraposición, Lugo e Ourense obteñen valores menores (por debaixo da media da comunidade), por debaixo lixeiramente dos 60, polo que os adquirentes de vivendas nestas provincias están menos expostos.



ANEXO METODOLÓGICO

A continuación, expónse información ampliada e detallada acerca do cálculo de cada un dos indicadores analizados no estudo.

Esforzo inmobiliario

Número de anos de salario íntegro que unha persoa necesita para poder comprar unha vivenda estándar sen financiación. Tamén pode definirse como o esforzo laboral que ten que realizar unha persoa para poder comprar unha vivenda sen acudir ao mercado financeiro.

A fórmula utilizada para o seu cálculo é a seguinte:

$$\frac{\text{Prezo da vivenda}}{\text{Salario anual}}$$

Esforzo financeiro (%)

Mide o esforzo que ten que realizar anualmente un asalariado para facer fronte ás obrigas coa entidade financeira, é dicir; é a porcentaxe do salario anual que unha persoa ten que dedicar ao pago da cota anual do préstamos hipotecario.

A fórmula utilizada para o seu cálculo é a seguinte:

$$\frac{0,8 \times \text{Prezo da vivenda} \times \text{Tipo de interese}}{\left(1 - \left(1 + \frac{\text{Tipo de interese}/12}{100}\right)^{-12 \times \text{Prazo}}\right) \times \text{Salario anual}}$$

Esforzo financeiro (anos)

Representa o número de anos de salario íntegro que unha persoa ten que dedicar para satisfacer as súas obrigas coa entidade financeira, contraídas no momento de contratación dun préstamo hipotecario.

A fórmula para calculalo é a seguinte:

$$\frac{0,8 \times \text{Prezo da vivenda} \times \text{Tipo de interese} \times \text{Prazo}}{100 \times \left(1 - \left(1 + \frac{\text{Tipo de interese}/12}{100}\right)^{-12 \times \text{Prazo}}\right) \times \text{Salario anual}}$$

Prezo adquirible

É o prezo máximo que se pode permitir pagar un asalariado medio por unha vivenda estándar para a que non teña que dedicar máis dun terzo do seu salario anual ao pago da cota anual correspondente a un préstamo hipotecario medio. A fórmula para calculalo é a seguinte:

$$\frac{100 \times \left(1 - \left(1 + \frac{\text{Tipo de interese}/12}{100} \right)^{-12 \times \text{Prazo}} \right) \times \text{Salario anual}}{2,4 \times \text{Tipo de interese}}$$

Exposición ao risco

Mide o nivel de risco financeiro que asume unha persoa cando contrae unha débeda hipotecaria, tendo en conta que o contexto económico do individuo poda ser desfavorable.

Así, se o valor do indicador é superior a 100 (valor de referencia) significa que o risco asumido é excesivo e canto máis alto sexa, máis difícil lle resultará á persoa pagar as cotas. Ao contrario en caso de que o valor sexa menor a 100.

A fórmula utilizada para calculalo é a seguinte:

$$\frac{\text{Prezo da vivenda}}{\text{Prezo adquirible}} \times 100$$

Os indicadores de accesibilidade á vivenda presentados reflicten a relación existente entre a conxuntura do mercado da vivenda e os ingresos das persoas e por iso utilízanse distintas fontes de información para o seu cálculo.

Prezo da vivenda

Para medir o nivel de prezos da vivenda tómanse o valor medio de taxación dunha vivenda estándar (vivenda libre de 100 m²). Para o seu cálculo, tómanse os datos publicado trimestralmente polo Ministerio de Fomento na estatística Valor taxado da vivenda, na que se expón o valor taxado medio por m² no territorio galego, dato que logo será multiplicado polo tamaño habitual das vivendas libres (100 m²) para obter o prezo total da vivenda que se utilizará no cálculo do indicador.

Valor taxado medio da vivenda libre por m² × 100

Tipo de xuro dos préstamos hipotecarios

Os datos do tipo de xuro dos préstamos hipotecarios para cada ano considerado no estudo tómanse das publicacións mensuais realizadas polo Banco de España sobre o tipo de xuro medio dos préstamos libres a fogares para adquisición de vivenda concedidos no territorio nacional polas entidades financeiras.

Para cada trimestre, tómanse como tipo de xuro dos préstamos hipotecarios a media dos tipos de xuro medios dos tres meses do trimestre e o mesmo farase para obter o tipo de xuro medio anual.

Prazo dos préstamos hipotecarios

En canto ao prazo dos préstamos hipotecarios, tómanse os datos publicados trimestralmente polo Colexio de Rexistradores no seu informe da Estatística rexistral inmobiliaria, no que se recolle o prazo medio de contratación dos préstamos hipotecarios concedidos en Galicia polas entidades financeiras en cada trimestre. Para o cálculo anual desta variable, calcúlase unha media cos datos trimestrais dispoñibles.

Salario anual

Para a variable de Salario Anual tómanse os datos publicados polo INE na súa Enquisa Trimestral de Custo Laboral referentes aos ingresos medios brutos por traballador e mes en Galicia, é dicir, a remuneración media en metálico ou especie que percibe mensualmente un traballador no territorio galego pola prestación profesional de servicios laborais por conta allea.

Polo tanto, para medir o nivel de ingresos das persoas considérase o salario anual medio por traballador, resultado de da suma dos resultados de cada trimestre para cada ano considerado (dito resultado trimestral a súa vez é o resultado de multiplicar o resultado de cada trimestre por 3 meses que ten cada trimestre).

A woman is lying on her back on a light-colored wooden floor. She is wearing a blue and white plaid shirt and dark pants. She is holding a white smartphone in her right hand. She is smiling and looking towards the camera. In the background, there are several cardboard boxes. One box has a red "FRAGILE" sticker. A yellow object is also visible among the boxes.

www.observatoriodavivenda.gal
observatoriodavivenda@xunta.gal



Observatorio da
Vivenda de **Galicia**



INSTITUTO
GALEGO DA
VIVENDA E SOLO